

UKIUMUT MISSINGERSUUSIORFIUSUMUT 2007-IMUT KOMMUNINUT ATAAT-SIMOORTUMIK TAPIISSUTIT PILLUGIT TAPILIUSSATUT ISUMAQTIGIISSUT

1. Aallaqqaasiut

Ukiumut missingersuussiorfiusumut 2007-imut kommuninut ataatsimoortumik tapiissutit pillugit tapiliussatut isumaqtigiissut manna isumaqtigiissutigineqarpoq ”Namminersornerullutik Oqartussat kommunillu ukiumut missingersuussiorfiusumut 2007-imut ataatsimoortumik tapiissutit pillugit isumaqtigiissutaanut” 25. september 2006-imi atsiorneqarsimasumut tapiliussatut. 2007-imut kommuninut ataatsimoortumik tapiissutini tamaattumik tunngavigineqarput ataatsimoortumik tapiissutit pillugit isumaqtigiissut 25. september 2006-imeersoq aamma tapiliussatut isumaqtigiissut manna.

2. Tamanut atuuttoq

Utoqqalinersiat

Inatsisartut uoqqalinersiat pillugit nutaamik peqqussiorput tassalu Utoqqalinersiat pillugit Inatsisartut peqqussutaa nr. 3, 7. maj 2007-imeersoq.

Utoqqalinersiat pillugit Inatsisartut peqqussutaata nutaap kinguneraa kisermaanut tunngaviusumik tunniuttakkat annertunerpaartaat maannamut 88.812 kr.-iusimasut 1. juli 2007-imiit 110.000 kr.-inngornerat. Aapariinnut tamarmik uoqqalinersiutisialinnut tunngaviusumik tunniuttakkat maannamut 133.212 kr.-iusimasut 150.000 kr.-it amerlanerpaaffigilerpaat. Aapariinnut aappaa uoqqalinersiutisiaqarpat aappaalu siusinnaartumik soraarnerussutisiaqarpat uoqqalinersiat tunngaviusumik tunniuttakkat maannamut 133.212 kr.-iusimasut amerlanerpaamik 140.000 kr.-iulerpat.

Tamatuma saniatigut uoqqalinersiutisiallip saniatigut isertitaasa iluarsineqartartut amerlassusissaatut killigitinneqartoq qaffanneqarpoq. Aammattaaq uoqqalinersiutisialik nammineq inuttut isertitaqanngitsoq maanna kisermaatut uoqqalinersiutisiani tunngaviusumik tunniuttakkat annerpaaffissaasa affaannik pisinnaatitaalerpoq. Siusinnerusukkut 20%-iinnaasimagaluarpot.

Utoqqalinersiat qaffanneqarneratigut kommunini akileraarutitigut isertinneqartartut qaffassapput, naatsorsuutigineqarporlu tamanna 2007-imi kommuninut 13.690.000 kr.-inik pitsaasumik sunniuteqassasoq.

Tamanna tunngavigalugu illuatungeriit isumaqtigiissutigaaq ataatsimoortumik tapiissutit 2007-imi 13.690.000 kr.-inik ikilisinneqarnissaat .

3. Taasariaqartut allat

Isumaqatigiissuteqarnermi mianerisassat

Isumaqatigiissut una Inatsisartut akuersinissaat apeqqutaatillugu isumaqatigiissutigineqarpoq.

Nuuk, ulloq 16. juni 2007

Hans Enoksen
Aningaasanut Naalakkersuisoq

Søren Alaufesen
Kalaallit Nunaanni Kommuneqarfiit Kattuffiani siullittaasoq